

Broj: 01-11-11-06010-6/2024

Datum, 24.10.2024. godine

Na osnovu člana 90. Zakona o javnim nabavkama Bosne i Hercegovine („Službeni glasnik BiH“, br. 39/14, 59/22 i 50/24), Pravilnika o postupku direktnog sporazuma („Službeni glasnik BiH“, broj 90/14), te čl. 6. i 7. Pravilnika o postupku javne nabavke putem direktnog sporazuma u Federalnoj upravi za inspekcijske poslove broj 01-02-6-01567/2015 od 31.3.2015. godine, nakon razmatranja Preporuke Komisije za javne nabavke broj 01-11-11-06010-5/24 od 23.10.2024. godine, Direktorica Federalne uprave za inspekcijske poslove u ime ugovornog organa, donosi:

O D L U K U o dodjeli ugovora

I

Prihvata se preporuka Komisije za javne nabavke broj 01-11-11-06010-5/24 od 23.10.2024. godine, te se ugovor o nabavci roba – akumulatori za službena vozila Uprave (8 komada) dodjeljuje ponuđaču „Unitrade“ d.o.o. Ljubuški čija ponuda broj 2110/2024 od 21.10.2024. godine je ocijenjena prihvatljivom.

II

Ugovor sa ponuđačem iz tačke I ove odluke će se zaključiti pod slijedećim uslovima:

- **ukupna cijena bez PDV-a 865,92 KM, odnosno sa uračunatim PDV-om 1.013,12 KM.** U cijenu su uključeni troškovi demontaže postojećih (neispravnih) akumulatora, te isporuka i montaža novih akumulatora na vozila;
- **način izvršenja:** direktni sporazum se smatra zaključenim prilaganjem zbirne fakture nakon isporuke i montaže svih 8 akumulatora čiji će sastavni dio biti pojedinačne otpremnice, na kojima će pored ostalog biti naznačeno vozilo u koje je ugrađen akumulator sa potpisom uposlenika Uprave koji je prisustvovao ugradnji akumulatora;
- **robna marka akumulatora:** „Topla“;
- **rok izvršenja:** 2 (dva) dana od dana zaprimanja narudžbenice;
- **rok trajanja ugovora:** do izvršenja predmeta ugovora;
- **mjesto isporuke i izvršenja:** sjedište ugovornog organa u Sarajevu (6 akumulatora), Ured Uprave Tuzla (1 komad), Ured Uprave Zenica (1 komad);
- **rok, način i uvjeti plaćanja:** plaćanje će se izvršiti u roku od 30 dana od dana isporuke roba, u skladu sa budžetskim načinom plaćanja.

III

Ova odluka će se objaviti na web stranici Federalne uprave za inspekcijske poslove.

O b r a z l o ž e n j e

Posebnom odlukom o pokretanju postupka javne nabavke broj 01-11-11-06010/2024 od 17.10.2024. godine, pokrenut je postupak javne nabavke roba – akumulatori za službena vozila Uprave (8 komada). Istom odlukom je dopunjen i Plan nabavki Uprave za 2024. godinu.

Nakon donošenja odluke Komisija za javne nabavke je pripremila poziv za dostavljanje ponude sa specifikacijom roba koje se nabavljaju, te je isti upućen na na adrese 4 potencijalna ponuđača, i to „Unitrade“ doo Ljubuški, „Avanti“ doo Sarajevo, „Vesprom“ doo Sarajevo i „Motorex“ doo Sarajevo.

Pozivom je kao krajnji rok za dostavljanje ponude utvrđen datum 23.10.2024. godine, do 12,00 sati.

Komisija je dana 23.10.2024. godine, nakon isteka roka za dostavljanje ponude održala sjednicu na kojoj je izvršila otvaranje blagovremeno pristiglih ponuda.

Tom prilikom je konstatovano da su ponude dostavili ponuđači i sa cijenama prikazanim u narednoj tabeli:

| r.b. | PONUĐAČ/BROJ PONUDE | DATUM PRIJEMA PONUDE | UKUPNA PONUĐENA CIJENA (bez PDV-a) |
|------|---|----------------------|------------------------------------|
| 1. | „Avanti“ d.o.o. Sarajevo PRI/100/24 | 21.10.2024. godine | 1.270,00 KM |
| 2. | „Unitrade“ d.o.o. Ljubuški 2110/2024 | 22.10.2024. godine | 865,92 KM |
| 3. | „Vesprom“ d.o.o. Sarajevo 345/24 | 22.10.2024. godine | 1.273,51 KM |

Utvrđeno je da nije bilo neblagovremeno dostavljenih ponuda, te da ponuđač „Motorex“ d.o.o. Sarajevo nije dostavio ponudu.

Shodno prikazanom u gornjoj tabeli, najpovoljnija ponuda je ona koju je dostavio ponuđač „Unitrade“ d.o.o. Ljubuški.

Obzirom da u ponudi nije navedena robna marka ponuđenih akumulatora (pozivom nije ni postavljen takav zahtjev), Komisija je kontaktirala ponuđača „Unitrade“ d.o.o. Ljubuški, što je mogućnost koju dozvoljava odredba člana 90. stav (4) Zakona o javnim nabavkama, koja propisuje da je: „U postupku direktnog sporazuma je dozvoljeno pregovaranje o cijeni ili ponudi“, te je putem e-maila dobila odgovor da se radi o akumulatorima marke „Topla“, potvrdu da su akumulatori raspoloživi na lokacijama na kojima je potrebno vršiti zamjenu (Sarajevo, Tuzla, Zenica), kao i kontakt osobe ponuđača koje će realizovati zamjenu akumulatora na svim navedenim lokacijama.

Komisija je razmotrila dostavljenu ponudu sa aspekta ponuđenih pojedinačnih kao i ukupne cijene i tom prilikom je utvrdila da je cijena ponude prihvatljiva, da su ponuđeni akumulatori shodno karakteristikama definisanim specifikacijom, kao i da se, shodno ranijim iskustvima, radi o pouzdanim akumulatorima koji zadovoljavaju zahtjeve Uprave.

Kako je ponuda ocijenjena prihvatljivom, direktorici Federalne uprave za inspekcijske poslove Komisija je direktorici Uprave dostavila preporuku broj 01-11-11-06010-5/24 od 23.10.2024. godine kojom je predloženo da se ugovor dodijeli navedenom ponuđaču.

Prilikom razmatranja dostavljene preporuke direktorica Uprave nije našla razloge, nepravilnosti niti propuste koji bi eventualno predstavljali osnov za neprihvatanje preporuke komisije za javne nabavke, te je odlučila kao u dispozitivu.

Pouka o pravnom lijeku: U skladu sa članom 101. stav (6) Zakona o javnim nabavkama, protiv ove odluke žalba nije dopuštena.

Dostaviti:

1. „Unitrade“ d.o.o. Ljubuški, Hrvatskih kraljeva 23, 88320 Ljubuški
2. „Avanti“ d.o.o. Sarajevo, Branilaca Sarajeva 4, 71000 Sarajevo
3. „Vesprom“ d.o.o. Sarajevo, Azize Šaćirbegović 98, 71000 Sarajevo
4. Sektor za materijalno-finansijske i tehničke poslove
5. Sektor za tehničku podršku i plansko-analitičke poslove
6. Komisija za javne nabavke (a/a).

